

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/12-45-21146/25
Sarajevo, 20.11.2025. godine

Na osnovu člana 70. Zakona o javnim nabavkama ("Službeni glasnik", br. 39/14,59/22 i 50/24) i člana 26. Pravilnika o javnim nabavkama roba, vršenju usluga i ustupanju radova, br. 02/12-45-25701/22 od 10.12.2022. godine, u predmetu javne nabavke "Nabavka i ugradnja vrata na magacinima Službe civilne zaštite" Otvoreni postupak javne nabavke, objavljen u Službenom glasniku BiH, br. 55/25 i Portalu javne nabavke br. 422-1-1-129-3-172/25 od 11.09.2025. godine, na Preporuku Komisije za javne nabavke roba i usluga, Općinski načelnik, donosi

ODLUKU

1. Poništava se postupak javne nabavke "Nabavka i ugradnja vrata na magacinima Službe civilne zaštite" u Otvorenom postupku, objavljenom u Službenom glasniku BiH, br. 55/25 i Portalu javne nabavke br. 422-1-1-129-3-172/25 od 11.09.2025. godine, shodno članu 69. stav 2. tačka d) Zakona o javnim nabavkama, obzirom da nijedna od primljenih ponuda nije prihvatljiva.
2. Zadužuje se Služba za zajedničke poslove da obavjesti učesnike u Otvorenom postupku javne nabavke o donošenju Odluke o poništenju postupka.
3. Protiv ove Odluke dozvoljena je žalba u roku od 10 dana od dana prijema iste.

Obrazloženje

Postupak javne nabavke – "Nabavka i ugradnja vrata na magacinima Službe civilne zaštite" pokrenut je u skladu sa članom 18. Zakona o javnim nabavkama u Otvorenom postupku, objavljenom u Službenom glasniku BiH, br. 55/25 i Portalu javne nabavke br. 422-1-1-129-3-172/25 od 11.09.2025. godine.

Izvještajem i preporukom Komisije za javne nabavke roba i usluga utvrđeno je sljedeće:

- Da je Zapisnikom sa otvaranja ponuda od 03.10.2025. godine, konstatovano da su zaprimljene tri ponude:

1. FESTA DOO TEŠANJ, sa ponudom u iznosu od 61.425,00 KM sa PDV – om,
2. MEGA ROLL DOO GRAČANICA, sa ponudom u iznosu od 61.425,00 KM sa PDV -om,
3. HDI DOO SARAJEVO, sa ponudom u iznosu od 60.840,00 KM sa PDV -om.

- Da je Komisija za javnu nabavku roba i usluga detaljnom analizom pristiglih ponuda, odnosno dokumentacije koja se nalazi u sastavu istih utvrdila da ponude ponuđača FESTA DOO TEŠANJ, MEGA ROLL DOO GRAČANICA i HDI DOO SARAJEVO ne ispunjavaju uslove specificirane tenderskom dokumentacijom.

- Da ponuda ponuđača FESTA DOO TEŠANJ ne ispunjava uslove specificirane tenderskom dokumentacijom pod tačkom 4.2.1. pod g) „Izjava o ekonomskoj i finansijskoj sposobnosti (član 47. ZJN) i obična kopija Potvrde Centralne banke BiH o stanju računa ponuđača ne starija od 90 dana računajući od dana utvrđenog kao krajnji rok za predaju ponuda“.

Ponuđač FESTA DOO TEŠANJ je dostavio Izjavu iz člana 47. Zakona o javnim nabavkama, ali nije dostavio običnu kopiju Potvrde Centralne banke BiH o stanju računa ponuđača.

- Da ponude ponuđača MEGA ROLL DOO GRAČANICA i HDI DOO SARAJEVO ne ispunjavaju uslove specificirane tenderskom dokumentacijom iz tačke 4.2.1. pod i) „Katalog, tehnička specifikacija ili tehnički opis proizvoda koji se nudi i kojim se mogu dokazati sve karakteristike tražene tenderskom dokumentacijom koji mora biti na jednom od službenih jezika u BiH“.

U sastavu ponuda navedenih ponuđača dostavljen je kraći opis ponuđenog proizvoda sa fotografijama koji nema karakter tehničke specifikacije proizvoda koji se nudi i ne sadrže sve tražene karakteristike zahtjevane Aneksom 3. tenderske dokumentacije (radne karakteristike, ostakljenje, CE oznake DIN EN 13241, dodatna oprema, korištenje vrata i dr.).

Imajući u vidu navedeno, ponude navedenih ponuđača se odbacuju, shodno članu 68. Zakona o javnim nabavkama.

Obzirom da se radi o Otvorenom postupku, objavljenom u Službenom glasniku BiH, br. 55/25 i Portalu javne nabavke, broj obavještenja 422-1-1-129-3-172/25 od 11.09.2025. godine, da su dostavljene tri ponude koje ne ispunjavaju uslove specificirane tenderskom dokumentacijom, to je na Preporuku Komisije za javne nabavke roba i usluga, shodno članu 69. stav 2. tačka d) Zakona o javnim nabavkama, odlučeno kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 10 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

Obradila: Komisija za javne nabavke roba i usluga

DOSTAVITI:

1. Služba za zajedničke poslove
2. U spis

